

Na osnovu člana 38. i člana 118. Statuta Općine Hadžići („Službene novine Kantona Sarajevo“, broj: 15/09, 17/12, 10/13, 14/13-ispravka, 11/18 i 1/20, i Odluke o izvršenju budžeta Općine Hadžići, broj: 01-02-3247/21 od 25.03.2021. godine, Općinski načelnik donosi

PRAVILNIK
O RASPODJELI NOVČANIH SREDSTAVA ZA DODJELU
JEDNOKRATNE NOVČANE POMOĆI PORODILJAMA

Član 1.

Pravilnikom o raspodjeli novčanih sredstava za dodjelu jednokratne novčane pomoći porodiljama (u daljem tekstu: Pravilnik), utvrđuju se kriteriji i način dodjele jednokratne novčane pomoći porodiljama čije je prebivalište/boravište na području Općine Hadžići i koje su ostvarile pravo na novčanu pomoć ženi-majci koja nije u radnom odnosu ili pravo na novčanu naknadu umjesto plaće ženi-majci u radnom odnosu putem Službe za boračku-invalidsku, socijalnu i zdravstvenu zaštitu, izbjegla i raseljena lica Općine Hadžići.

Član 2.

Finansijska sredstva utvrđena na ekonomskom kodu 614200-grant pomoć stanovništvu na području Općine Hadžići raspoređuje Općinski načelnik odlukom na prijedlog Službe za boračku-invalidsku, socijalnu i zdravstvenu zaštitu, izbjegla i raseljena lica Općine Hadžići (u daljem tekstu: Služba), a u skladu sa utvrđenim kriterijima.

Član 3.

Porodilja koja rodi prvo ili drugo novorođeno dijete ima pravo na jednokratnu novčanu pomoć u visini od 200 (dvijestotine) KM.

Porodilja koja rodi treće, četvrto i svako naredno novorođeno dijete ima pravo na jednokratnu novčanu pomoć u visini od 250 (dvijestotinedeset) KM.

Član 4.

Zahtjev za ostvarivanje prava na jednokratnu novčanu pomoć podnosi porodilja putem Protokola Općine Hadžići, te je uz isti dužna dostaviti sljedeću dokumentaciju:

- a) kućna lista
- b) prijavu mjesta prebivališta,
- c) izvode iz matične knjige rođenih za novorođeno dijete-djecu,
- d) rješenje Službe o ostvarenom pravu na porodiljsku naknadu,
- e) kopiju tekućeg računa.

Član 5.

Jednokratna novčana pomoć porodiljama dodjeljivat će se putem Službe za privredu, finansije i inspekcijski nadzor, uplatom na tekući račun porodilje.

Član 6.

Podneseni zahtjev važi samo za budžetsku godinu u kojoj je zahtjev podnjet.

Član 7.

Izmjene i dopune ovog Pravilnika vršit će se na način i po postupku koji važi za njegovo donošenje.

Član 8.

Ovaj Pravilnik stupa na snagu danom donošenja i bit će objavljen na oglasnoj ploči i web stranici Općine Hadžići, a primjenjivat će se od 01.01.2021.godine.

Broj: 02-11-3-3285/2021.
Hadžići, 26.03.2021. godine

OPĆINSKI NAČELNIK

Hamdo Ejubović, dipl.ing.maš.